



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

**D. Burchardi VVormaciensis Ecclesiae Episcopi,  
Decretorum Libri XX. ex Consiliis, & orthodoxoru[m]  
patru[m] Decretis, tum etiam diuersaru[m] nationum  
Synodis, ceu loci communes congesti, in quibus ...**

**Burchardus <Wormaciensis>**

**Parisiis, 1549**

De consuetudine seruanda quæ non est contra fidem. cxxiiii.

**urn:nbn:de:hbz:466:1-10722**

*Ex cōcil. Carthag. ca. 47.* **P**Lacuit ut episcopi, presbyteri diaconi, vel quicumque clerici, qui nihil habentes ordinantur, & tempore prescopatus, vel clericatus sui, agros, vel quæcunque præ suo nomini comparant, tanquam rerum dominicarum in uasionis crimine teneantur obnoxii, nisi ad Ecclesiam quam titulati sunt, eadem ipsa contulerint. Si autem ipsa propria liberalitate alicuius, vel successione cognationis aliquid venerit, faciant inde quod velint.

*Ex eodē. cap. 48.* **V**T vnusquisque presbyter res quas post diem consecrationis adquisierit, propriæ Ecclesiæ relinquat.

*Ex cōcil. Toletano* **C**Aeterum, presbyter si post ordinationem aliquid adquisierit, illud obseruandum est, quod in canonibus de consecratis nihil habentibus constitutum est.

*De presbyteris qui ex redbibus Ecclesiæ sibi res comparauerint, & estructuras ibi fecerint, & mulieres ibi posuerint. Cap. CXXIII.*

*Ex cōcil. Remensi. cap. 10.* **I**nquirendum si aliquis presbyterorum de redbibus Ecclesiæ, vel oblationibus ac votis fidelium alio nomine res comparauerit, & ibi estructuras fecerit, vel quæ ad Ecclesiam pertinent, ibidem collocauerit, & mulierum frequentationem inibi fieri permiserit, vel quod turpius tales mulieres ibidem habuerit, quæ lanificium suum exerceant, & curam domus agant, & in eadem presbyter frequenter veniens manserit, & cōtra decreta canonum hoc malū agat: quia sicut nec suo, ita nec alieno nomine presbyter fœnus exercere debet, multo minus fraudem facere de facultatibus ecclesiasticis, quoniam hoc sacrilegium est, & par crimen Iudæ furis qui sacras oblationes asportabat, & furabatur.

*De consuetudine seruanda, quæ non est contra fidem. Cap. CXXIIII.*

*Ex epist. Pij papæ.* **P**ETISTIS enim per Hylarium chartularium nostrum, à beatæ memoriæ decessore nostro, ut omnes nobis retrò temporum consuetudines seruarentur, quæ à beati Petri apostolorum principis ordinationum initiis habentur.

tenus vetustas longa seruauit. Et nos quidē iuxta seriem relationis nostræ consuetudinem laudamus, quæ tamen contra fidem catholicam nihil vsurpare dinoscitur.

*Vt ecclesiastica statuta ab apostolis, & reliquis magistris Ecclesiæ tradita integra seruentur. Cap. CXXV.*

**I**nnoctius Decentio episcopo Egobino salutem. Si instituta Ecclesiastica, vt sunt à beatis apostolis tradita, integra uellent seruare domini sacerdotes, nulla diuersitas, nulla uarietas in ipsis ordinibus, & cōsecrationibus haberetur. Sed dum vnusquisque non quod traditum est, sed quod sibi uisum fuerit, hoc existimat esse tenendum, inde diuersa in diuersis locis, uel Ecclesiis, aut teneri, aut celebrari uidentur: ac fit scandalum populis, qui dum nesciunt traditiones antiquas humana præsumptione corruptas, purant sibi aut Ecclesias non conuenire, aut ab apostolis uel apostolicis uiris contrarietatem inductam. Quis enim nesciat, aut non aduertat id quod à principe apostolorum Petro Romanæ Ecclesiæ traditum est, ac nunc usque custoditur, ab omnibus debere seruari, nec superduci, aut introduci aliquid, quod aut auctoritatem non habeat, aut aliunde accipere uideatur exemplum: præsertim quum sit manifestum, in omnem Italiam, Gallias, Hispanias, Africam, atque Siciliam, insulasque interiacentes, nullum instituisse Ecclesias, nisi eos quos uenerabilis apostolus Petrus, aut eius successores constituerunt sacerdotes? Aut legant, si in his prouinciis alius apostolorum inuenitur, aut legitur docuisse. Qui si non legunt, quia nusquam inueniunt, oportet eos hoc sequi quod Ecclesia Romana custodit, à qua eos principium accepisse non dubium est: ne dum peregrinis assertionibus studeant, caput institutionum uideantur omittere. Sæpe dilectionem tuam ad urbem uenisse, ac nobiscum in Ecclesia cōuenisse non dubium est: & quem morem, uel in consecrandis mysteriis, uel in cæteris agendis arcanis teneat cognouisse. Quod sufficere arbitraret ad informationem Ecclesiæ tuæ, uel reformationem, si præcessores tui, quod minus aliquid, aut aliter tenuerint satis certum haberem, nisi de aliquibus consulendos nos esse dixisses. Quibus idcirco

N ij

*Ex decr.  
Innocen-  
ty pape,  
cap. i.*